



↓ Prezident qaroriga ko'ra

Ixtisoslashtirilgan ona va bola salomatligi ilmiy-amaliy tibbiyot markazi tashkil etiladi

Davlatimiz rahbari 8-sentabr kuni "Onalar va bolalar salomatligini muhofaza qilish, aholining reproduktiv salomatligini mustahkamlash chora-tadbirlari to'g'risida" qaror qabul qildi.

Unga ko'ra, 2023-yil 1-oktabrdan Respublika ixtisoslashtirilgan akusherlik va ginekologiya ilmiy-amaliy tibbiyot markazi, Respublika aholi reproduktiv salomatligi markazi, Respublika "Ona va bola skrining" markazi negizida Respublika ixtisoslashtirilgan ona va bola salomatligi ilmiy-amaliy tibbiyot markazi tashkil etiladi.

Shuningdek, hududiy perinatal, aholi reproduktiv salomatligi hamda "Ona va bola skrining" markazlari negizida ushbu markazning 14 ta hududiy filiallari faoliyati yo'lga qo'yiladi.

Markazning Qoraqalpog'iston Respublikasi, viloyatlar va Toshkent shahridagi hududiy filiallari: xavf omillari aniqlangan ayollarni tibbiy tekshiruvdan o'tkazadi, ularni davolaydi hamda zarur hollarda respublika darajasidagi tibbiyot muassasalariga yo'naltiradi;

nikohlanuvchilar, homilador va tug'ish yoshidagi ayollar hamda chaqaloqlarni molekulyar tibbiy-genetik tekshiruvlardan o'tkazadi;

irsiy kasalliklar aniqlangan bolalarni maxsus dori vositalari va oziq-ovqat mahsulotlari bilan ta'minlaydi;

sog'lom oilani rejalashtirish hamda istalmagan homiladorlikning oldini olish chora-tadbirlarini amalga oshiradi.

Markaz va uning hududiy filiallari tug'ruqqa ko'maklashish sohasidagi tibbiyot muassasalari faoliyatiga uslubiy jihatdan rahbarlik qiladi.

2024-yil 1-oktabrdan boshlab har yili 100 tagacha imtiyozli toifaga kiruvchi shaxslarga davlat va no-davlat tibbiyot tashkilotlari tomonidan yordamchi reproduktiv texnologiyalar usullari muvaffaqiyatli qo'llanganda ushbu amaliyotni amalga oshirish bilan bog'liq xarajatlar Davlat budgeti mablag'lari hisobidan Davlat tibbiy sug'urtasi jamg'armasi orqali qoplab beriladi.

Samarqandda "Bir nuroniy-o'n yoshga mas'ul" respublika ko'rik-tanlovining viloyat bosqichi o'tkazildi.

Davlatimiz rahbarining 2023-yil 11-martda "Keksa avlod vakillarini har tomonlama qo'llab-quvvatlash hamda ularning ijtimoiy faolligini oshirishga doir qo'shimcha chora-tadbirlar to'g'risida"gi qarori asosida "Bir nuroniy-o'n yoshga mas'ul" tamoyiliga muvofiq, har bir mahalladagi yoshlar katta hayotiy tajribaga ega hamda zamonaviy fikrlaydigan faol nuroniylarga birlashtirilishi belgilangan edi. Shunga ko'ra, viloyatda mavjud 1126 mahalladagi nuroniylar yoshlarga birlashtirilib, o'tgan vaqt davomida ushbu yo'nalishda tizimli ishlar amalga oshirildi.

- Mazkur ijtimoiy loyihadan maqsad - ibratli va katta hayot tajribasiga ega nuroniylarni jamiyat hayotiga faol jalb qilishdan iborat, - deydi "Nuroniylar jamg'armasi viloyat bo'limi raisi Shuhrat Negmatov. - Shuningdek, ularning ijtimoiy faolligini oshirish, yoshlar tarbiyasida keksa avlod vakillari tajribasidan keng foydalanish, jinoyatchilik va huquqbuzarliklarning oldini olish, ajrim yoqasida turgan yosh oilalarda barqaror muhitni vujudga keltirish borasida amalga oshirilayotgan ishlarni targ'ib qilish va ijrosini ta'minlashda faol ishtirok etayotgan nuroniylarni rag'batlantirishga qaratilgan.

Ko'rik-tanlovda tuman, shahar bosqichida birinchi o'rinni egallagan nuroniylar uch shart

Ibratli va katta hayotiy tajribaga ega nuroniylar bellashdi



B.MUSTANOV olgan suratlar.

bo'yicha bellashdi.

Yakuniy natijalarga ko'ra, birinchi o'rinni Kattaqo'rg'on shahri vakili Bahridin Shomamatov qo'lga kiritib, ko'rik-tanlovining respublika bosqichiga yo'llanma oldi, ikkinchi o'rinni payariqlik Ismoil

Boltayev, uchinchi o'rinni narpaylik Hamza Ro'zimurodov egalladi.

G'olib va sovrindorlar, faol ishtirokchilarga pul mukofoti hamda esdalik sovg'alar topshirildi.

S.MARDIYEV.

15-17-sentabr kunlari Samarqandda triatlon bo'yicha "Challenge Samarkand" xalqaro musobaqasi hamda O'zbekiston chempionati o'tkaziladi

INDALLOSINI AYTGANDA...



**Beruniy ALIMOV,
filologiya fanlari doktori:**

- Matbuot o'z ustida qanchalik ishlamasin, tahliliy materiallarni qanchalik zo'r berib tayyorlamasin, aholi undan uzoqlashib ketdi... "Matbuot kerak emas", deb qo'limizni qo'lting'imizga suqib turaversak, milliy jurnalistikamiz tarixi bizni kechirmaydi.

Genetik nuqsonli bolalar hamon tug'ilyapti

Yodimda, respublika miqyosida skrining markazlari tashkil etilgan paytda homilador ayollarni mazkur tekshiruvdan o'tkazishga jalb etish oson kechmagandi. Skrining tekshiruvini sog'lom yo'ngiron bola tug'ilishi mumkinligini aniqlab berishi haqda eshitganda ko'pchilik buni aniqlash shart emas, bola sog'lom tug'iladi, degan fikrga ishonardi. Hatto tekshiruvga kelgan ayollarga farzandingiz nogiron tug'ilishi mumkin, deya tashxis qo'yilganda ham bunga ishonchsizlik bilan qaraganlar ko'p bo'lgan. Ammo ommaviy skrining o'tkazilganda minglab nogironlik holatlari aniqlandi, buning oldi olindi.



Shuning uchun bugun homilador ayollar skriningdan o'tish uchun o'zlari kelishmoqda, yanayam mukammalroq tekshiruvlar o'tkazilishini talab etishmoqda, navbatlar kamayishi kerakligini aytishmoqda. Bu talablar, mutaxassislarining tajribalari asosida to'plangan takliflar bosqichma-bosqich amalga oshirilmoqda, skrining tekshiruvlari takomillashtirilmoqda. Misol uchun, bir paytlar mazkur markaz viloyatda yagona edi. Viloyatdagi barcha homilador ayollar aynan shu markazga kelib, maxsus tekshiruvlardan o'tishga majbur edi. O'sha yillari markaz yonidagi navbatlar, homilador ayollarning mashaqqatlari ham bor gap. Bugun viloyatdagi har bir shahar va tuman tibbiyot bo'limlarida skrining xonalari tashkil etilgan.

- Endilikda har bir hududdagi homilador ayollarning barchasi o'z tuman tibbiyot birlashmasida skrining tekshiruvidan o'tmoqda, - deydi viloyat Ona va bola skrining markazi rahbari Gulnora Eltazarova. - Shu o'rinda alohida ta'kidlashni istardimki, tuman tibbiyot bo'limlari skrining xonalari UTT apparati so'nggi rusumdagi, homilaning eng kichik nuqsonlarini ham ko'rsatib berish imkoniyatiga ega. Ko'pchilik markazdagi apparatlar boshqacha, yaxshiroq, degan xayolda shu yerga kelishga urinadi. Vaholanki, ilk skrining uchun markazdagi uskuna ham tumandagilar bilan bir xil. Skrining o'tkazuvchi shifokor homilador ayollarni birlamchi tekshiruvdan o'tkazgach, ulardagi mavjud holatni to'liq o'rganib chiqishi lozim. Ya'ni, turmush o'rtog'i qarindosh bo'lgan, birinchi farzandi nogiron tug'ilgan yoki boshqa holatlar bo'lgan homilador ayollar chuqurlashtirilgan skrining tekshiruvidan o'tish uchun bizning markazga jo'natilishi lozim.

Shu o'rinda ba'zi raqamlarga to'xtalib o'tsak.

(Davomi 3-sahifada) >>>

Zargarlik buyumlari, deylik, arxeologlar uchun tadqiqot manbai, ba'zilar uchun daromad oladigan mahsulot, ba'zilar uchun esa hatto mablag' asrash usuli hamdir. Ammo aksar aholi uchun u go'zallik, san'at namunasi. Rostdan ham, aslida har bir zargarlik buyumi san'at namunasi, ilhom va mehr qorishuvidan yaratilgan ashyodir.

"Zargarlik sohasida o'z brendimiz bo'ladi"



Samarqandda o'tkazilgan zargarlik sanoatini rivojlantirish va uning istiqbollarga bag'ishlangan ko'rgazma-savdo yarmarkasida Toshkent shahri, Samarqand va Namangan viloyatlarida zargarlik buyumlari ishlab chiqaruvchi korxonalar mahsulotlari bilan tanishar ekanmiz, shunday xulosaga keldik.

Unda payariqlik, o'z atrofidagi xotin-qizlar uchun turli taqinchoqlar yasayotgan zargarlar mandning mahsulotlaridan tortib, Turkiya bilan qo'shma korxonada sifatida faoliyat ko'rsatayotgan "UzGold" korxonasi tillalari ham o'rin olgan.

- Bugun mamlakatimizda yuzlab korxonalar va hunarmandlar zargarlik buyumlari yasash va ularni sotish bilan shug'ullanmoqda, - deydi "O'zbekzargarsanoat" uyushmasi raisi maslahatchisi Dilshod Salomov. - Zargarlik bilan shug'ullanayotgan, ayniqsa, salmoqli ish o'rni yaratayotgan korxonalar imtiyozlar berilishi natijasida bugun bu sohada faoliyat yuritayotganlar soni keskin ortdi. Mamlakatimizda mazkur soha rivoji uchun e'tibor faqat imtiyozlar bilan belgilanmaydi. O'tgan yili Buxoroda zargarlik buyumlarining xalqaro ko'rgazmasini tashkil etdik, unda o'zbekistonlik ishlab chiqaruvchilar bilan bir qatorda 30 ga yaqin xalqaro korxonalar

ishtirok etdi, tajriba almashdi. Bugun mamlakatimizda ham o'z brendini yaratishga intilayotgan korxonalar mavjud. Misol uchun, Namangandagi "Gavhar" zargarlik buyumlari ishlab chiqaruvchi korxonasi milliy va qadimiy dizayn qayta tiklash va uni ommalashtirish bilan birga, zamonaviy taqinchoqlarni ham ishlab chiqarmoqda. Bu yerda bugun 200 ga yaqin ishchi xodim mehnat qiladi.

Ko'rgazma davomida zargarlarning o'zaro tajriba almashuvini o'z ichiga olgan davra suhbatlari, B2B uchrashuvlari ham bo'lib o'tdi.

- 40 yildan beri shu sohada faoliyat yuritaman, - deydi "UzGold" qo'shma korxonasi rahbari Shevket O'ngur. - 12 yoshimda otam zargar ustaga shogirdlikka berdi, shundan buyon minglab turdagi taqinchoqlar yasadim, ularning asosiy dizayneri ham o'zimman. Toshkentda bir yildan beri faoliyat ko'rsataman, bu yerda taqinchoqlarga qiziqish garchi Turkiyadagidek bo'lmasada, katta. Turkiyada ayollarning har biri o'zgacha taqinchoq sotib olishni istasa, O'zbekistonda xotin-qizlar bir xil taqinchoqqa ko'proq qiziqishini kuzatdim.

Xuddi shunday mahalliy ko'rgazmalar yil oxirigacha mamlakatimizning barcha viloyatlarida o'tkazilishi rejalashtirilgan.

